

IQRA'

Bil. 4/2022
APRIL

eISBN : 2735-1920



**Majlis Sanjungan Budi Ketua Pustakawan
Ts. Noor Hidayat bin Adnan**
PTAR Shah Alam - muka 4




**Program Khidmat Masyarakat: Kongsy
Rezeki Bubur Lambuk & Pek Ramadan**
PTAR Jasin - muka 14



**Live@PTAR: Tazkirah Ramadan -
Keutamaan 10 malam Terakhir Ramadhan**
PTAR Kuala Terengganu - muka 17




Jom Baca Bersama 10 Minit@PTDI
PTAR Segamat - muka 30




Quran Hour@PST
PST Shah Alam - muka 38

PROMOSI@PTAR



Disediakan oleh: Hazlin Ibrahim Khan



Perpustakaan Tun Abdul Razak (PTAR) UiTM Cawangan Melaka dengan kerjasama Unit Jurnal dan Penerbitan Universiti (JPU), Bahagian Penyelidikan dan Jaringan Industri (PJI) UiTM Cawangan Melaka telah menjalankan Taklimat Pendaftaran & Verifikasi Bahan Penerbitan di Sistem PRIME pada 14 April 2022 (Khamis), jam 10.00 pagi hingga 12.30 tengah hari secara atas talian melalui platform Cisco Webex.

Pada sesi kali ini, taklimat sepenuhnya disampaikan oleh Puan Siti Rohayu Mohamad Yusof Pustakawan Kanan (Penyelaras Koordinator PTAR-PRIME), PTAR UiTM Shah Alam dengan dibantu oleh Encik Abdul Qayyum Abdul Razak, Penyelaras Data Penerbitan Universiti Bahagian Penyelidikan dan Jaringan Industri (PJI) UiTM Cawangan Melaka selaku moderator.

Objektif taklimat ini diadakan adalah :

- i. Memberi pengetahuan tentang proses kerja validasi penyelidikan yang terkini bagi memantapkan proses sedia ada
- ii. Membantu penyelidik dalam proses muatnaik bahan ke Sistem PRIME
- iii. Meningkatkan pemahaman penyelidik tentang fungsi dan tugas utama Unit Sokongan Penyelidikan di PTAR UiTM
- iv. Menguruskan penerbitan universiti dengan lebih sistematik dan memberi impak kepada penghasilan penyelidikan yang lebih berkualiti

Taklimat yang telah dihadiri seramai 63 orang penyelidik UiTM Cawangan Melaka ini meletakkan harapan tinggi agar objektif yang disasarkan dapat dicapai, seterusnya memberikan impak kepada pengurusan penerbitan UiTM Cawangan Melaka khususnya.

